

Broj: 03-02-1105/2020
Sarajevo, 18.09.2020. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući ✓

- Dom naroda -
gosp. Tomislav Martinović, predsjedavajući ✓

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prijedlog: 18-09-2020			
Org. jed.	Broj	Priloga	Vrijednost
01/02	02-	1580	20

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **radi razmatranja i usvajanja po skraćenom postupku, dostavljam Vam PRIJEDLOG ZAKONA O DOPUNI ZAKONA O KONCESIJAMA**, koji je utvrdila Vlada Federacije Bosne i Hercegovine na 183. hitnoj sjednici, održanoj 18.09.2020. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

Istovremeno molim da Prijedlog zakona o dopuni Zakona o koncesijama uvrstite u Prijedlog dnevnog reda sjednice Predstavničkog doma Parlamenta Federacije BiH koja je zakazana za 30.09.2020. godine i u Prijedlog dnevnog reda prve naredne sjednice Doma naroda Parlamenta Federacije BiH.

S poštovanjem,



PREMIJER

Fadil Novalić

Prilog: - Prijedlog zakona na bosanskom jeziku
- Odredba Zakona koje se mijenja i
- Zakon o koncesijama („Službene novine Federacije BiH“, br. 40/02 i 61/06) (CD).

**Co: Federalno ministarstvo prostornog uređenja
gosp. Josip Martić, ministar**

WEST VIRGINIA UNIVERSITY
LIBRARY

Author	Title	Call No.	Volume

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ZAKON O DOPUNI ZAKONA O KONCESIJAMA

Sarajevo, septembar 2020. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Kako se ne radi o složenom i obimnom Zakonu Vlada Federacije Bosne i Hercegovine predlaže da se, u skladu sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), Prijedlog zakona o dopuni Zakona o koncesijama razmatra po skraćenom postupku.

**ZAKON
O DOPUNI ZAKONA O KONCESIJAMA**

Član 1.

U članu 4. Zakona o koncesijama ("Službene novine Federacije BiH", br. 40/02 i 61/06) na kraju teksta tačka se briše i dodaju riječi koje glase: „izuzev pravnih osoba koje obavljaju djelatnosti od javnog društvenog interesa, a u kojima Federacija Bosne i Hercegovina ima udio u vlasništvu u iznosu najmanje 50 %.

Član 2.

Ovaj zakon stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

I - USTAVNI OSNOV

Ustavni osnov za donošenje navedenog zakona sadržan je u odredbama člana III. 1. b) koji je izmijenjen amandmanima VIII, LXXXIX i CVI, te članom III.2. i) i člana III.3. 3) Ustava Federacije Bosne i Hercegovine, prema kojem je utvrđivanje ekonomske politike, uključujući planiranje i obnovu, u isključivoj nadležnosti Federacije, dok je korištenje prirodnih bogatstava u zajedničkoj nadležnosti federalnih i kantonalnih vlasti, u kojoj federalna vlast ima pravo utvrđivati i donositi zakone iz te oblasti.

II - RAZLOZI ZA DONOŠENJE ZAKONA

Koncesionar u smislu ovog Zakona, jeste preduzeće (pravna osoba upisano u sudski registar kao privredno društvo, odnosno javno preduzeće definisano kao takvo posebnim propisom) koje obavlja djelatnosti od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa), koje zapošljava najmanje 50 radnika, kao i preduzeće u kojem Federacija Bosne i Hercegovine ima udio u vlasništvu u iznosu od najmanje 50% plus jedna dionica odnosno udio nezavisno od toga kojom se djelatnosti bavi.

Nakon dugogodišnje primjene predmetnog zakona vidljivo je da isti nije provoden na način da su koncesije dodjeljivane za osiguranje infrastrukture i usluga te eksploatacija prirodnih resursa, finansiranje, projektovanje, izgradnja, obnova i održavanje i/ili rukovođenje radom te infrastrukture i svih za nju vezanih objekta i uređaja u oblastima koji su u isključivoj nadležnosti Federacije Bosne i Hercegovine na bilo koji od dva zakonom dozvoljena načina.

S obzirom na takvo činjenično stanje predložena je predmetna dopuna kako bi se izbjegao zastoј u stimulaciji izgradnje infrastrukture i ulaganja stranog i domaćeg kapitala.

III FINANSIJSKA SREDSTVA

Za provođenje ovog zakona nije potrebno direktno osigurati sredstva iz Budžeta Federacije Bosne i Hercegovine.

ODREDBA KOJA SE DOPUNJUJE
Zakon o koncesijama
("Službene novine Federacije BiH", br. 40/02 i 61/06)

Definicije

Član 4.

Pojmovi koji se koriste u ovom zakonu imaju sljedeće značenje:

"Koncesor" - sva nadležna ministarstva ili organi vlasti Federacije koje odredi Vlada Federacije Bosne i Hercegovine (u daljnjem tekstu: Vlada Federacije) da dodjeljuju koncesiju.

"Koncesija" - pravo obavljanja privrednih djelatnosti korištenjem prirodnih bogatstava, dobara u općoj upotrebi i obavljanja djelatnosti od općeg interesa određenih ovim zakonom.

"Koncesionar" - pravno lice osnovano u skladu sa posebnim zakonima Federacije u vlasništvu domaćeg i/ili stranog pravnog lica kome se dodjeljuje koncesija i koje izvršava ugovor o koncesiji u skladu sa ovim zakonom.